



**ULTIMO OPORTUNIDAD PA
INSCRIBI Y PARTICIPA DEN
CARROUSEL DI EXPRESION,
TALENTO Y CREATIVIDAD**



WWW.SOLODIPUEBLO.COM



SOLODIPUEBLO@GMAIL.COM

CADA POST CU STORIA TROCI DI GERLIEN TA PROBA CON STOM E TA



Recientemente por tuma nota di un reaccion di Gerlien riba e critica di Endy, cu a
pasa 5 luna y te ainda no por a termina e trabaonan chikito cu ta falta na Stadion na Dakota



**Despues di 8 luna den gobernacion;
AINDA PAIS ARUBA TA SIN
LIDERASGO, SIN TRANSPARENCIA, Y
SIN UN COMPROMISO PA BAY DILANTI**

**AUNKE NO TA HAYA E
MANTA DEN NOS AWA
TERITORIAL, E TA PROTEHA
PA NOS LEYNAN LOCAL**



**CONSTRUYENDO UN
MERCADO LABORAL
RESISTENTE Y
ADAPTABEL**



CAMBIO DEN PRIJS DI PRODUCTIONAN PETROLERO 13 DI AUGUSTUS 2025

Minister di Finanzas, Asuntonan Economico y Sector Primario ta anuncia e prijsnan nobo di benta di combustibel entrante 13 di augustus 2025:

Gasoline unleaded-premium	: 228,9 cen p/ltr. (- 0,1 cen)
Diesel LS	: 204,6 cen p/ltr. (+ 7,9 cen)
Kerosin	: 186,5 cen p/ltr. (+ 4,2 cen)
E prijsnan ta inclui BBO/BAZV/BAVP	



ACCIDENTE CU UN DAMA PASAHERO HERIDA NA CRUSADA RUDOLF ARENDSTRAAT CU EMMASTRAAT



Dialuna mainta a drenta informe si un accidente cu hende herida na e crusada Rudolf Arenstraat cu Emmastraat, mesora a dirigi tabto polis como ambulans na e sitio. Na yegada di e patruya a bin compronde cu e Jeep tabata biniendo di pariba no a duna preferencia

na e pick-up Nissan Frontier bayendo nort den Emmastraat y a dal e den banda net unda e pasahero ta sinta. E impacto tabata fuerte cu hasta a bira e pick-up 45 grado banda panort y e dama pasahero a resulta herida. Na yegada di e ambulans nan a atende e dama na e sitio mes.



CADA POST CU STORIA TROCI DI GERLIEN TA PROBA CON STOM E TA

Recientemente por tuma nota di un reaccion di Gerlien riba e critica di Endy, cu a pasa 5 luna y te ainda no por a termina e trabaonan chikito cu ta falta na Stadion na Dakota Endy no mester admiti nada

Prome cu tur cos, Endy nunca a mester “admiti” nada. El’a keda cla cu e proyecto di stadion, faltando algun trabao chikito, pero ningun trabao grandi mas. E prueba cu Stadion ta cla, ta e certificacion di Fifa unda varios wega internacional ya ta tumando lugar y Gerlien mes ta acudi pa precensia e weganan.

E palabra “admiti” cu Gerlien a usa, ta solamente un intento pa crea un storia politico, pero no un realidad.

Gerlien “cables duro” no por compronde 2.5 miyon vs 7 miyon!

Ora Endy a bira minister na 2021, el’a bin haya Stadion den

un ruina y afgekeurd. Ainda nos tabata tempo di covid-19, y no tabatin placa pa hasi e renovacion completo di Stadion. Dor di “squeeze” e placa, a logra pone disponibel e prome 2.5 miyon florin riba mesa pa cuminsa cu un parti di e renovacion, cual tabata e fase di tribuna, cual a wordo traha completamente nobo.

E tono di Gerlien, ta zona comosifuera cu e proyecto a subi den costo/gasto sin motibo, pero Gerlien no ta conta e berdad: E 2.5 miyon original tabata solamente pa renova un parti di stadion y no otro partinan.

Durante e proceso, a haya mas fondo disponibel y e proyecto a wordo amplia pa inclui: Turf nobo, pista di atletismo nobo,

renoba palonan di lus, renoba instalacion di coriente, adkeri lusnan na standard rekeri pa Fifa. Tur esaki tabata nesesario pa logra certificacion pa e stadion, algo cu a wordo logra y cu ta pone Aruba riba mapa di deporte.

Weganan internacional awor por tuma lugar na Aruba

E alegacion di Gerlien, usando 2.5 vs 7 miyon, ta proba sea su insinceridad pa e realidad, of kisas su jaloezi, kisas su rabia/odio, of entodo caso un actitud no corecto pa cu deporte, ni contra ex minister di deporte, cu no merece un critica asina low, asina baho, unda kier crea un storia cu e gastonan a sali mas di loke mester ta.

Cheapshot y sin logica


Si Gerlien ta kere cu tur esaki, turf, baan nobo pa athlethiek, lus, electricidad, tribuna nobo y mas por a wordo hasi cu solamente 2.5 miyon florin, e ta sigui biba den den su mundo di fantasia.

Esei ta un cheap shot, un intento barata pa crea duda, y francamente, hopi stom.

Papia ta facil, pero traha y entrega un proyecto real ta e reto cu no tur hende por logra.

A pasa 5 luna y keto bay Gerlien ta cu e yabi di Stadion, ningun adelanto. Deporte no merece ningun tardansa, sigur ora tin 500 miyon di surplus y loke falta pa termina ta menos di 180 mil florin.


NA MADIKI UN CHAUFFEUR A BAY REVERSE Y A BAY DAL RIBA OTRO AUTO



Dialuna atardi a drenta informe di un accidente na Madiki, mesora a dirigi un patruya na e sitio.

Na yegada di e patruya a bin compronde cu aki ta trata di un accidente unda un auto a bay reverse y a bay dal riba un otro auto.

Afortunadamente ningun hende a resulta herida.



Departamento di Cultura Aruba: **ULTIMO OPORTUNIDAD PA INSCRIBI Y PARTICIPA DEN CARROUSEL DI EXPRESION, TALENTO Y CREATIVIDAD**



E periodo di vakantie ta cabando y scol pronto ta bay inicia bek, pero prome cu nos muchanan bolbe na e rutina escolar, Departamento di Cultura Aruba ta invita tur mucha pa inscribi y participa den e Carrousel di Expresion, Talento y Creatividad, un proyecto artistico y multidisciplinario realiza den colaboracion cu Buki di Pret. ¿Pa ken e Carrousel ta?

Pa tur mucha cu tin gana di explora su talento y siña den un ambiente creativo, mientras nan ta conoce y aprecia nos herencia y identidad cultural.
Tema central: “Nos Cas ta Bon Traha”
Un espacio pa descubri potencial,

expresa identidad y construi un futuro briyante.
Fecha: 15 di augustus 2025
Orario: 10:00am – 4:00pm
Luga: John F. Kennedy Education Center
Presentacion final pa famia y publico: 3:00 pm – 4:00 pm
Inscripcion
Cupo ta limita pa 50 mucha y participacion ta completamente gratis.
Inscribi pasa durante ora di oficina na John F. Kennedy Education Center, of yama 582-2185.
Recomendacion
Lo tin un maestro pa cada disciplina artistico (baile, teatro, arte visual, canto y musica) cu lo



guia e muchanan den diferente tecnica te cu nan presentacion final. Mucha mester bin c’un paña comodo cu por susha, verf riba dje, y un boter di awa.
Mayornan tene na cuenta y no laga nos muchanan perde e

oportunidad pa forma parti di un experiencia inolvidabel!
Pa mas informacion:
Tel.: 565-6903 of 582-2185
Contacto: Eleen Rasmijn of Freddy Montoya

AMBULANS A BAY PONTON PA BABY CU KEINTURA BIRANDO BIÑA

Dialuna atardi a drenta informe di cu tin un baby di un aña y 3 luna cu a bira biña debi na keintura



halto y ora nan hink'e bao awa e lip so a keda biña y e baby a bin bek nan ta sperando ambulans cu maximo urgencia, mesora a dirigi un ambulans na e sitio.

Na yegada di e ambulans nan a tuma e mucha y a bay hospital cu urgencia.



CONSTRUYENDO UN MERCADO LABORAL RESISTENTE Y ADAPTABEL

Oranjestad | E ta un hecho cu e mercado laboral di mundo a cambia drasticamente despues di e pandemia. Antes di COVID-19 ya tabata tin señal di un mercado laboral cu ta evoluciona, pero e pandemia a acelera e cambio manera nunca antes. Aruba no a keda atras y tambe a sinti e impacto fuerte, principalmente den sector di turismo y hospitalidad di cual ta considera e pilar principal di nos economia.

Gremionan y stakeholders a informa regularmente riba e realidad aki. Segun un estudio conduci pa Camara di Comercio di Aruba na 2024, mas cu 75% di e companianan di Aruba a indica cu nan tin dificultad pa haya candidato cu ta cumpli cu e cualificacionnan necesario. E mesun estudio a muestra cu e escasez ta mas grandi den sector tecnico, mantencion, limpieza, chef, administracion y di benta.

Den comienso di 2025, Impact Hub Aruba a confirma e situacion cu un estudio riba necesidad di mercado laboral. E resultado a revela no solamente un escasez di habilidadnan tecnico, pero tambe deficiencia den ‘soft-skills’ manera comunicacion, trabou den team, adaptabilidad, leadership, y preparacion pa trabou. Segun e dunadonan di trabou, esaki ta un di e obstaculonan principal cu ta pone hopi vacatura no por wordo yena facilmente, incluso esunnan di nivel basico. Motibo principal cerca companianan ta cu no tin preparacion suficiente pa integracion den e lugar di trabou. E situacion ta surgi di un combinacion di factornan: un forsa laboral den pleno transformacion, ‘vergrijzing’, desbalansa di cualificacion, y e demanda creciente di e sector di turismo. Ta anticipa cu e situacion

lo empeora den e añanan cu ta bin. E cambionan aki ta trece un desbalansa structural entre talentonan disponibel y e necesidad di mercado. Si no atende cu e desbalansa aki, e por crea un impacto negativo cu lo afecta sostenibilidad y estabilidad di economia di nos isla.

Pa yuda soluciona e urgencia aki, Impact Hub Aruba, den colaboracion strategico cu Aruba Hotel & Tourism Association (AHATA), a lansa un programa piloto den un formato acelera, ‘Impact Talent Accelerator’. E mision di e programa ta pa yuda reenforza Aruba su forsa laboral cu habilidadnan di siglo 21 cu e mercado laboral ta rekiri, traha riba un mentalidad di adaptabilidad y progreso, stimula un ‘entrepreneurial mindset’ y ‘growth mindset’ den un organisacion pa demonstra liderazgo, habilidad di tuma iniciativa, responsabilidad y siña con pa soluciona problema den forma creativo. Na final di dia cada persona tin derecho di tin un trabou cu proposito y cu ta contribui bek na desaroyo sostenibel di nos isla. E programa no solamente ta yuda esnan sin empleo, sino tambe ta fortalece esnan cu ya ta traha, estimulando nan crecimiento personal y profesional.

Pa esnan cu no tin empleo e di dos trayectoria di e programa lo aloca e participante cerca un dunado di trabou pa algun dia den siman como ‘apprenticeship’ di unda por adkiri experiencia. Pa tur participante lo haci un evaluacion pa midi progreso y evaluacion final pa determina nivel di preparacion pa traha. E programa ta culmina cu un evento di “job speed dating” pa (re)conecta participantenan cu companianan cu ta buscando



trahador.


E programa ‘Impact Talent Accelerator’ ta un program di 8 siman, cu ta inclui training, workshops, simulations, y job coaching. E programa ta enfoka riba personanan cu no por haya trabou, hoben profesional, recién graduadonan, adulto mayor, y persona cu kier ‘upskill’ pa crecimiento profesional. Pa companianan cu ta activamente busca trahado, e ta duna acceso directo na candidatonan realmente motiva cu a pasa den un preparacion estructura cu ta coresponde cu e necesidad di industria. Ta di remarca cu adicionalmente di duna sosten pa yena vacaturanan actual, Impact Talent Accelerator ta yuda cumpli cu varios SDG, entre nan Educacion di Calidad,

Trabou Decente y Crecemento Economico, y Reduci Desigualdad. Pa economia di Aruba, esaki ta signifca no solamente yena vacatura, pero desaroyo di un mercado laboral resistente cu por adapta na e cambio di demanda di industria global.

Pa registra pa ‘Impact Talent’ por bishita impact-talent.net. Pa esnan cu no tin empleo, participacion ta completamente gratis. Como programa piloto, Impact Talent lo opera continuamente basa riba e resultado y e necesidadnan di industria y comunidad.

Un danki special ta bay na AHATA, Qredits, VNO, Momax Training & Education, Corvia Solutions, RBF Communications, Zhuzhed by Ali, Advance HR Group, Camara di Comercio di Aruba, DPL, y Blue Aruba Rentals.

AUTO A SALI DILANTI OTRO CHAUFFEUR A BRAKE SLIP BAY DAL RIBA PALO DI LUS NA SABANA LIBER



Diamars atardi a drenta cu hende herida na informe di un accidente Sabana Liber, mesora a

dirigi tanto polis como ambulans na e sitio. Na yegada di e patruya a bin compronde cu aki ta trata di un accidente cu hende herida unda cu un auto a sali su dilanti y e chauffeur di e Toyota Corolla a purba brake pero a slip riba e santo plama y como cu ela kita pa evita e impacto ela bay dal fuertemente riba e palo di lus cu e impacto a bir'e 180 grado. E impacto tabata asina fuerte cu e kashi di bateria di CableTV a habri y bateria a sali bin cay abao cu e aparato.

Debi na e fuerte impacto e airbag a "deploy" y e chauffeur a haya un kap net un tiki ariba na si kashi wowo y tabata sangra. Mirando cu e kap ta cerca



di su wowo e personal victima pa hospital. di ambulans a bay cu e

Durante dianan di calor TA IMPORTANTE PA TUMA MEDIDANAN DI PRECAUCION

ORANJESTAD, 21.05.2023: Durante e ultimo dianan nos por a tuma nota di un calor extenso, temperatura hopi halto y un solo fuerte. Durante e dianan cu ta sigui comunidad por bay sigui experiencia esaki cu por ta peligroso pa nos salud. Pa combati e fenomeno di naturalesa aki no ta posibel, pero si nos por tuma accion pa proteha nos mes y otronan y tambe preveni consecucionan pa motibo di e calor extenso.

e calor aki. Ta hopi importante pa vigilanan constantemente y refresca nan curpa pa wanta e temperatura abou y hidrata nan cu suficiente likido pa evita un posibel heatstroke, cu ta un condicion hopi delicado caminda cu e curpa ta stop di soda. E temperatura di curpa ta sigui subi mas cu 40° grado Celsius y ta perhudica


e centro di control cu ta regula e temperatura corporal den nos cerebro.

Sintomanan di un heatstroke ta:

- Temperatura corporal halto den corto tempo
- Cara y cuero cora y seco
- No ta soda mas
- Curazon ta bati dura
- Dolor di cabez
- Mente ta bira confuso y por cay flow
- Por cuminsa saca of haña diaree

Kico pa haci den caso di un Heatstroke ?

- Busca asistencia medico mesora yama 911
- Tene e persona trankil y den fresco
- Los e pañanan na su curpa.



- Fria e curpa cu un serbete/paña muha (cu awa friu of di cranchi)
- Por pone ijs of icepack bou di brasa, na nek, lomba, riba stoma y/of memey di e pianan.
- Si persona ta consciente lag'a bebe awa no mucho friu.

Parlamentario Evelyn Wever-Croes Despues di 8 luna den gobernacion; **AINDA PAIS ARUBA TA SIN LIDERASGO, SIN TRANSPARENCIA, Y SIN UN COMPROMISO PA BAY DILANTI**



Manera ta conoci ya ta 8 luna caba cu Aruba a bay urna electoral, y pa un

diferencia di apenas 300 voto a conoce un Gobierno nobo. E 2 partidonan AVP y Futuro cu a dicidi di uni como Gobierno, a campaña cu promesanan hopi grandi di cual awe ta muestra cu nan no por cumpli cu e promesanan aki.

Parlamentario Evelyn Wever-Croes a expresa cu e situacion actual di pais Aruba ta uno preocupante. Na e momentonan aki, pais Aruba ta un pais sin lidersago, sin

transparencia, un pais cu no ta muestra e compromiso di bay padilanti. “Nos a traha hopi duro durante nos gobernacion, pa hiba nos pais padilanti. Y ora mi bisa “nos”, mi kiermen henter

Aruba. Pasobra ta hunto a lora manga, sera cabes y traha hunto pa hiba Aruba dilanti despues di e pandemia. Y aworaki ta importante pa sigui den e mesun ritmo aki di crecimiento y desaroyo.

E ta nos trabou como

oposicion pa sigui busca informacion, controla y stimula e Gobierno aki pa tuma e decisionnan corecto, den transparencia cu comunidad y cu interes di pueblo general na prome luga.

Den cuadro di nos trabounan den Parlamento, nos di partido MEP a haci mas di 1000 pregunta na e Gobierno aki di cual ta apenas 100 nan a contesta. Nos lo sigui pone precion pa haya e contestanan pasobra ta atraves di

e preguntanan aki nos ta haya informacion di maneho, nos por mira si e decisionnan cu nan ta tuma ta yuda e pueblo, y si a tene cuenta cu e riesgonan grandi cu nan ta tumando den e decisionnan di tur dia.

Comunidad di Aruba por conta partido MEP den oposicion cu lo tey y lo bringa pa e miho interes di pueblo wordo sirbi” Parlamentario Wever-Croes a expresa.

FREE ZONE ARUBA N.V. TA ANUNCIA COLEGA STIMA BETTY HEYLIGER TA BAI CU PENSIOEN

Free Zone Aruba N.V. ta anuncia cu orguyo cu nos colega stimá, Sra. Betty Heyliger, despues di un carera sobresaliente di mas di 33 aña den servicio publico y desaroyo di negoshi, ta bai cu pensioen.

Betty a cuminsa su carrera profesional na 1992 na Directie Posterijen, y despues a drenta Directie Personeel en Organisatie (DPO) na 1994. Riba 1 di September 1997, el a acepta un reto nobo como un di e miembronan di e team fundador di e recien forma Free Zone Aruba N.V., asumiendo e rol di Account Executive. Durante e siguiente 28 añanan, el a hunga un rol crucial den forma e crecimiento di nos organisacion. Su profesionalismo, integridad,

y dedicacion a laga un marca indelibel no solamente riba Free Zone Aruba N.V. pero tambe riba e hopi coleganan, clientenan, y socionan cu tabatin e placer di traha banda di dje. E compromiso di Betty cu excelencia y su spirito caluroso y colaborativo a hacie un profesional di confiansa y un amiga valioso pa hopi.

31 di Juli 2025, tabata su ultimo dia di trabou na Free Zone Aruba N.V. Mientrastanto Betty ta cuminsa riba e capitulo nobo y excitante aki, e gerencia y personal ta extende nan gratitud di curason pa su servicio remarcabel. Nos ta dese'e un retiro yen di alegria, salud, y satisfaccion. Betty lo gosa di su pension bon mereci, sabiendo cu el a haci un diferencia

duradero den nos organisacion y comunidad.

Riba 5 di Augustus, nos a organisa un lunch di despedida y celebracion pa Betty cu coleganan y ex-coleganan, honrando su contribucionnan y compartiendo grato recuerdonan di su tempo cu nos.

Aunke nos lo sinti su falta profundamente, su legado lo keda inspira nos. Coleganan, clientenan, y socionan clave sigur lo sinti falta di e dedicacion, profesionalismo, y amabilidad di Betty. E tabata un parti integral di nos historia, y nos ta gradicido pa tur locual el a haci.

Tocante Free Zone Aruba N.V.: Free Zone Aruba NV (FZA) ta un compania cu responsabilidad



limita cu ta propiedad di gobierno di Aruba, cu e obhetivo di promove, maneha, y desaroya e propiedadnan y facilidadnan di zona liber di e isla. Negoshinan cu ta estableci den e Zona Liber di Aruba por beneficia di incentivonan fiscal riba ganashi for di actividadnan internacional.

HOSPI BONDI CAMP: TRES SIMAN YENA CU AVENTURA Y EMOCION!



Ya ta di 33 edicion di Horacio Oduber Hospital (HOH) su Hospi Bondi Camp cu tin un duracion di tres siman largo di aventura, amistad, alegria y mucho mas. E famoso camp di HOH ta yena cu actividad pe yiunan y nieto di empleadonan cu e meta principal pe mayornan por sigui traha trankil mientras nan yiu ta bon cuida y entreteni durante temporada di vakantie. Hospi Bondi camp a cuminsa dia 14 di juli y a culmina riba 1 di augustus. Y mas cu claro e clausura un bes mas tabata yena di ambiente, show y claro talento di nos muchanan.

Rachelle Roos, lider di Hospi Bondi Camp, a expresa cu e ta duna guia pa basta aña caba ne muchanan di e camp hunto cu un comision. E aña aki a conta cu participacion di mas o menos 150 mucha pa siman y mi ta super contento paso e camp a bay den tremendo esfera. Tur aña tin un of mas sorpresa pe muchanan y e aña aki sigur e sorpresa tabata e waterpark! Bowling tambe e muchanan ta gusta masha hopi mes y pa prome biaha nan a haci e sport padel.

Un tremendo Hospi Bondi Camp 2025 unda cu e muchanan a pasa tres

siman yena di alegria, accion, aventura y amistadnan nobo. Y claro loke tur mucha ta bisa na final ta cu nan no por warda pa otro aña yega pa nan bay Hospi Bondi Camp un bes mas!

Un danki di curason ta bay na e Rachelle Roos, Josie Williams y Chianti Colina di e comision cu a traha hopi duro pa haci e camp un realidad. No por laga afo e grupo grandi di lider cu ta yuda cu tur mucha durante e camp y sigur Hunta di Directiva cu ta e motor tras di Hospi Bondi Camp.



AUNKE NO TA HAYA E MANTA DEN NOS AWA TERITORIAL, E TA PROTEHA PA NOS LEYNAN LOCAL

ORANJESTAD – Directie Natuur en Milieu DNM) ta informa tocante e especie protegi Manta. E manta yama na Ingles Giant Manta Ray (*Mobula birostris*) ta haya su number gigante como cu e ta esun di mas grandi di e mantanan di mundo. E por midi te cu 8 meter cu su halanan habri y por pisa rond di 2000 kilo. E embranan ta poco mas grandi cu e machonan. E manta aki por biaha te na un maximo velocidad di 40 kilometer pa ora. E manta gigantesco aki ta animalnan migrante cu ta crece poco poco. E manta su reproduccion ta sosode cada 2 pa 3 aña y e ta haya un yiu bibo. E yiu ta nace despues di 12 luna y ta midi 1 meter y mey. Nan por biba mas of menos 45 aña.

Por reconoce e manta pa nan curpa grandi den forma di diamante cu halanan largo cada

banda. Tin dos variacion di color di curpa, preto cu bariga blanco of completamente preto. Nan wowonan ta cada banda di e cabes cu un boca grandi. Dilanti di nan boca nan tin dos estructura yama ‘cephalic lobes’ na Ingles, cu ta extende y ta yuda crea un canal pa awa pasa. Despues e ta filtra e cuminda prome cu e guli esaki. Nan ta alimenta nan mes door di filtracion via nan caicay (gills), nan ta come cantidad grandi di ‘zooplankton’ y tambe cabaron y otro piscanan chikito.

Rond mundo ta haya e manta gigante den ocean, awa tropical, subtropical y awa cu temperatura entre 19 pa 22°celsius, pero den otro parti tambe ta haya nan den awa cu temperatura entre 25 y 30°celsius. Nan menasa ta orcanan, especie di tribon y tambe hende cu ta gara nan cu



meta comercio internacional. E demanda ta halto pa e caicaynan (gills) di e especie. E sorto ta clasifica na peliger pa Union Internacional pa Conservacion di

Naturalesa (International Union for Conservation of Nature - IUCN) y ta protegi den nos leynan local.

MICHAEL LAMPE A REUNI CU Q-BAH NA AMSTERDAM - FORTIFICANDO BRUG CULTURAL PA TALENTO DI ARUBA

Diplomatico cultural, productor y artista Michael Lampe a tene un encuentro cu e personalidad di media basa na Amsterdam Q-Bah, enfocando riba fortificacion pa amplia e bos di comunidad creativo y cultural di Aruba.

Q-Bah, conoci como DJ di radio, MC y director di evento, ta un figura prominente den media Hulandes. Cu su trabou na NPO BLEND, e FunX Awards y presentacionnan

riba escenarionan grandi, ta yuda pone bos cultural diverso den e panorama musical y di entretenimento na Hulanda.

Q-Bah a expresa su aprecio pa e trabou di Lampe: “Papiamento ta un idioma poderoso, y mi ta mira cu ora bo uze den musica, bo ta yega na hende na un manera autentico. Mi ta mira hende di tur parti mundo ta canta hunto cu e

canticanan na Papiamento den eventonan grandi. Mi ta contento cu Michael ta pusha e movimiento aki y ta muestra cu su idioma Papiamento y cultura tin un lugar riba escenario mundial.”

Lampe, cu ta traha entre Aruba y Amsterdam como diplomatico y embahador Cultural pa Aruba a bisa cu e reunion “ta un paso pa sigura cu talento di Aruba ta forma parti di e un attention y combersacion

global.”

“Esaki ta pa muestra cu talento di Aruba ta importante,” Lampe a bisa. “Ora nos ta sinta na mesa cu hende cu tin alcance, experiencia y respet manera Q-Bah, nos ta pone nos bos na un nivel internacional.”

E encuentro ta parti di e mision mas amplio di Lampe pa conecta artista di Aruba cu red global, intercambia idea cu figuranan cultural, cu



influencia y crea caminda sostenibel pa bos creativo di isla por florece riba un nivel internacional. Lampe ta trahando riba un plataforma cu ta estructura y lo funciona como un brug pa e talentonan y diaspora di nos isla y region.

FORTALEZA PA FAMILIA

Scirbi pa Pastor Marcel Balootje.

PORDONA DI HENTER BO CURASON Y ASINA EVITA DI WORDO TORMENTA

Mateo 18:35 ta para scirbi; Asina tambe mi Tata celestial lo haci cu boso, si cada un di boso no perdona su ruman di henter su curason.

Laga nos tur recorda cu tur locual cu Hesus ta papia, E a ricibi for di su Tata cu ta den cielo, y Hesus a bisa cu E ta haci boluntad di Su Tata cu ta den cielo, cu Su palabranan no ta di Su mes, pero di Su Tata cu a mande.

Pesey nos tin cu tene masha bon cuenta ora, nos ta ninga di scucha, of rechasa, y mas pio ainda troce e palabra di Dios.

Tene cuenta bon locual Hesus ta sinja nos den oracion di nos Tata den Mateo 6:12 bisando: Y Pordona nos debenan mescos cu nos ta pordona nos debedornan.

Tene bon cuenta cu esaki no ta asunto di placa solamente.

Mateo 6:14-15 Hesus ta sigi bisa: Pasobra si boso pordona hende nan trangreshonnan, boso Tata celestial tambe lo pordona boso. Ma si boso no pordona hende, boso Tata tampoco lo no pordona boso transgreshonnan.

Hopi biaha nos ta tende hende ta bisa, cu nan ta sinta warda otro bin pidi nan pordon, en bes di nan pordona otro, y asina mantene un bon relacion cu Dios.

Falta di pordon ta stroba nos bon relacion cu Dios y cu hende.

Pasobra ta imposibel bisa cu bo ta stima Dios, mientras bo ta odia bo ruman, esun cu ta odia no conoce Dios, pasobra Dios ta amor.

Hopi biaha cosnan ta pasa cu hende ta confundi vengansa cu husticia, pesey e palabra di Dios ta bisa den Proveribionan 16:6: Pa medio di misericordia e inikidad ta wordo kita, y pa medio di e temor di Senjor

hende ta keda leu for di maldad.

Tene bon cuenta locual e palabra di Dios ta sinja nos den Efesionan 4:31-32: Laga tur amargura, furia, rabia, griteria, y calumnia, wordo kita for di boso, huntu cu tur malisia, Y sea carinioso cu otro, misericordioso, pordonando otro, mescos cu Dios den Cristo tambe a pordona boso.

Y boso soporta otro, y pordona otro, si un di boso tin keho contra otro, mescos cu Senjor a pordona boso asina boso tambe mester haci. (Colosensenan 3:13).

Porta hopi hende no ta na altura e nivel di divorcio y separacion cu ta existi riba e isla chikito aki cu yama Aruba, no laga nos wak kico ta pasando na Curacao y otro islanan den Caribe Hulandes, pero laga nos mantene Aruba den oracion, pasobra cada divorcio of separacion ta debilita nos bida social.

Hopi mucha awe ta den problema no pasobra nan kier, pero pasobra nan mayornan no kier pordona otro, y asina pone nan yuinan cu nan ta bisa cu nan ta stima, den un situacion traumatico, y hopi delicado..

Cuanto hende no ta biba den cas cu otro, pero e comunicacion no ta berdadero, e comunicacion ta



debil, hende grandi ta comporta manera mucha, ta parece manera nan a perde temor di Dios.

Pablo ta splica bon cla con nos tin cu pordona otro den 2 Corintionan 10:11-12 bisando: Ma ken cu boso pordona algo, mi tambe ta pordona, pasobra di berdad loke mi a pordona, si mi a pordona

algo Mi a hacie pa boso motibo den presencia di Cristo. Pa satanas no cohe bentaha, riba nos, pasobra su trikinan no ta desconoci pa nos.

Ora nos no ta pordona, nos ta habri porta pa satanas drenta, y asina acepta su trikinan, mientras cu nos curason ta keda tormenta.



Oracion di dia

Un dia fructifero y cu e luz di Cristo por briya den cada un di nos

" ... Pasobra tur hende cu halsa nan mes, lo keda humilia, ma esun cu humilia su mes, lo keda halsa". Lucas 18,14

Awe nos ta lesa e importancia di humildad y reconoce nos faltanan. Nos por ta manera e fariseo husingando otro y halsando su mes of manera e cobrado di belasting ta reconoce su falta y su necesidad di compasion. Cu humildad nos ta sirbi otro sin busca recompensa; scucha mas y papia menos, na balora e otronan pa loke nan ta y no pa loke nan tin of ta aparenta di ta. Reflexionando continuamente ta yuda evita na cay den orguyo y na mantene nos mirada fiho den e mision cu Señor a confia nos. Biba cu berdadero humildad ta nifica rechasa e mascaradanan cu hopi biaha nos ta pone pa impresiona of pa competi cu otro. No biba un bida superficial of di falsedad, sea un luz pa mundo unda e luz di Cristo ta briya den bo. Loke ta importa no ta con otronan ta mira nos, sino con Dios ta mira nos. Ser bo mes y cu humildad ta acerca nos na e berdadero esencia di nos fe y esey ta haci nos un instrumento den e man di Dios.

Oracion : Señor Hesus, haci mi curason pareu na bo curason. Manso y humilde y obedecido na bo Santa boluntad.

Amen.

Torneo Balls Out a continua den weekend

Royal Power Tat Fat ta vapulia y Knock out Redskins 14-1 diadomingo ultimo



Durante e weekend tras di lomba e Torneo "Balls Out" organisa pa e ekipo Suicide Squad bou dirigencia di Jourick Blanco y directiva a continua riba veld di Centro di Bario Noord. Torneo Balls Out ta reparti entre 2 Pool competitivo A y B cu un total di 12 Team. Alabes tin un 2 Pool comercial A y B cu un total di 12 ekipo mientras tin un seccion di Damas cu un Pool cu 4 ekipo. Pues 28 ekipo total ta mirando accion desde 1 di augustus cual lo termina e weekend di 26 y 27 di september proximo.

Royal Power actual campeon di Copa Noord 2025 kendenan ta participando pa prome biaha den torneo di Balls Out a mira accion un biaha mas diadomingo ultimo 145pm. Royal Power a topa e fuerte ekipo di Noord y rivalnan di añanan largo Kudawecha Redskins kendenan porcierto ta sub



campeon recién di Copa ABCS. Tur cos a muestra cu esaki lo bay bira un duelo y un bataya di "toma y dame" den e torneo di "Balls Out" pero finalmente Royal Power a dismantela e ekipo di Redskins por completo a palo limpio ganando mediante knock out cu score di 14-1 den 5 inning. Royal Power ta pica bay ariba 1-0 den cabez di promer inning mientras Redskins ta reaciona mesora den bom di promer inning pa empata e wega. Royal


Power ta rally pa 3 careda den cabez di dos inning y ta acumula 5 careda mas den cabez di 3 inning pa habri e wega un poko 9-1. Den comienso di 4 inning Royal Power ta anota 1 careda mas y ta bolbe rally den cuminsamento di 5 inning pa 4 careda. Finalmente Royal Power ta "knock out" Redskins 14-1. Royal Power Tat Fat 14 careda, 16 hit, 0 error y ta laga 4 coreador den circulacion. Redskins 1 careda, 5 hit, 3 error y ta laga 3 coreador na base.



Kelvin Sylvania a cubri ful e ruta mansando e bateria poderoso di Redskins den nan totalidad pa asina seya e victoria riba su number. Sigur un tremendo labor di Kelvin Sylvania riba monticulo tanto pitchando como na bate. William Zavala kende a habri e partido pa Redskins no tabata tin contesta pa e bateria fuerte di Royal Power a bay cas cu e derota riba su number ricibiendo relevo di Jeremy Geermnan den di tres entrada. Mihor bateadornan pa Royal Power a resulta Jomark Flanegin y Edmar Tromp ambos di 3-2 incluyendo triple y doblete, Eldrick Dijkhoff di 2-2 tambe cu

un triple, Kelvin Sylvania y Giandrick Lacle ambos di 3-2 incluyendo doblete, Jerieel Rafael y Kenny Hart di 2-1. Pa Redskins a destaca na plato den causa perdi Jair Thompson, Bryan Courtar, y Vinshley Pimienta tur di 2-1 mientras Jordan Pimienta a bay di 2-2. Weganan di Balls Out ta continua weekend binidero Diabierna, Diasabra y Diadomingo mientras Royal Power Tat Fat lo mira accion bek diasabra 23 di Augustus pa 4pm contra Comando na veld di Centro di Bario Noord. Pasa veld di Centro di Bario Noord weekend binidero y goza di e tremendo ambiente!

ANOUK EMAN A DISPIDI CU TUR HONOR DI E CORONA DI MISS UNIVERSE ARUBA 2024



Pa: Addonsito Croes

Den Cas di Cultura dilanti un publico grandi, Miss Universe Aruba 2024, Anouk Eman a tuma despidida di su corona.


Un aña largo e tabatin e honor di carga e corona aki, cu den su palabranan el a carga cu tur honor cu por tin. Tabata un placer y honor di representa Aruba, su isla cu tanto e ta stima, na Mexico den 2024.

Den 130 pais rond mundo el a haci su maximo esfuerzo pa pone Aruba su nomber resona dignamente riba e mapa universal. Den tur e paisnan participando na Miss Universe, el a sa di clasifica den e top 30 y tambe a bay cu e di dos lugar di e Voice of Change

challenge 2024.

Pa e final di su reinado, Anouk a bisti su shimis 'scoliosis/ Iron woman' cu el a uza na Miss Universe. El a gradici Roberto Avalo pa semper a pone luci spectacular biahando cu ne aña pasa pa Mexico.

Na final di su speech, Anouk a gradici organisacion di Miss Universe Aruba y cada persona cu a yud'e logra tur loke el a logra y a desea su sucesor tur exito di mundo den su representacion di Aruba. E mester sa cu e ta un aña den cua e tin cu disfruta cada momento di e reinado. Anouk tabatin e honor di bisti Miss Universe Aruba 2025, Hannah Arends su sherp nobo. Na nomber di cada persona cu ta biba na





Aruba of cu ta sinti e cariño pa nos isla, nos ta gradici Anouk



masha hopi pa tur loke el a haci pa nos.

[illegible]

		Paardenbaaistraat 10, Oranjestad, Aruba Tel.: (297) 525 - 7555 www.lottoaruba.com	
Resultado: Sorteo di Anochi - August 12, 2025			
 Sorteo # 8619 7662 4022 8372  X2  Sorteo # 7663 8928  X2  Sorteo # 2368 9484  Sorteo # 6422 5588 Cancer		 Sorteo # 0 x Jackpot 0 x Match 4+ 0 x Match 4 0 x Afl. 12,00 Joker Letter Proximo Jackpot 380.000,-	
 Sorteo # 6914 1 x Jackpot 77 x Match 4 1637 x Afl 8,00 Proximo Jackpot 50.000,-		07-12-14-19-20	
 Sorteo # 0 x Jackpot 0 x match 4 0 x Afl. 500,00 0 x Afl 50,00 0 x Afl.15,00 Mega Ball Proximo Jackpot 400.000,-		 Afl. 600.000,-	
 Sorteo # 1352 684  X3		 Sorteo # 	

Laga tur loke ta spera mi ta bunita
Laga tur locual cu mi encontra na caminda ta bunita
Laga tur locual cu mi laga atras keda bunita y
Laga esakinan termina den tur buniteza.
Cado Wever.

Nos ta anuncia fayecimento di:

Yenny (Jenny)
Margarita Croes-Márquez
*17-10-1945 - †05-08-2025



Na number di su:

Esposo:
Ricardo Croes

Yiunan y famia:
Nelson (Chito) Dirkz y Shahaira Schwengle
Milangela (Mili) Dirkz
Gregory Croes y Harmen Keuning
Richenne Croes y Marcus Maduro
Joanie Croes y Sancho Borsje

Nieta y nietonan:

Jeada Kocks, Igmarr Dirkz, Darrell Dirkz, Jocean Krosendijk,
Joey Krosendijk, Joa Krosendijk, Xev Tromp y Figo Borsje

Bisnietonan:

Isaac Dirkz, Cayden Dirkz, Ruben Tromp

Mayornan:

†Teresa de Jesus Robles de Márquez

†Gregorio (Gollito) de Jesus Márquez

Rumanan:

†Clara Brown Vásquez
†Leda Vásquez
†Maria Ignacia Vásquez
†Gregorio (Papy) Márquez
Arlina Vásquez
Deniris Márquez
Elsa Márquez
Ondina Márquez
Vivian Márquez
Gladys Rasmijn

Tur subrino y subrinanan, cuñanan, swanan, primo- y primanan y demas famianan na Hulanda, New York, Venezuela, Boneiro, Boston, Colombia.
Querida amiganan cerca.

Amistadnan di bingo y di casino. Caretakers di Trinity

Famia: Croes, Márquez, Dirkz, Borsje, Bossers, Brokke, Brown, Browne, Dania, Erasmus, Figaroa, Infanzon, Keuning, Kocks, Krosendijk, Leijdekkers, Maduro, Marval, Quijada, Ras, Schwengle, Tromp, Vásquez, Velásquez, Wallace, Winklaar

Disculpa nos si den nos tristesa nos a lubida algun persona/famia.

Oportunidad pa condolencia: Aurora Funeral Home, diamars 12 di augustus
2025 di 7:00 pa 9:00 pm

Ta invita pa acto di despedida cu lo tuma lugar diaranson 13 di augustus 2025 di 2:00 pa 4:00 pm, acto di cremacion ta tuma lugar den seno di famia.

Despues di entierro nos no ta risibi bishita di condolencia na cas.

VARIOS AUTO A KEDA KIMA DEN UN CANDELA DI MONDI NA CASHERO



Dialuna atardi a dreña informe di un candela basta grandi na Cashero,



mesora a dirigi tanto polis como bomberonan na e sitio. Na yegada di e patruya a bin compronde cu aki ta trata di autonan na candela den un cura di cas. Na yegada di bomberonan nan a dreña

paden y cuminsa combati e candela bespues un otro tankwagen a bini pa yuda combati e candela aki. Na un dado momento hasta mester a bay yena e tanki di e truck. Na final a logra domina y paga full e candela!

INTELIGENCIA DI UN MUCHA NO TA DEPENDE DI SU NOTANAN



Aunke cu nos sa cu e inteligencia di un mucha no ta depende di su notanan, manera con nos ta laga nos mes como mayor, impresiona cu e cualificacionnan! Un excelente ta yena nos di orguyo, un onvoldoende of suspension, ta decepciona nos, manera cu e nota aki lo defini kende nos yiu ta y cual-

nan ta su capacidadnan. E cualificacionnan escolar ta un forma di midi un conocimiento. Sin embargo, no ta duna cuenta di e esfuerso y e dedicacion cu e mucha a inverti den e proceso di aprendisahe. Tampoco ta demostra si efectivamente e mucha a siña algo di forma consistente. Un mucha cu un

bon memoria, kisas ta obtene bon punto. Un mucha cu un inteligencia distinto den e materia den cual e ta wordo evalua, por haya onvoldoende. Sin embargo, den e materia vincula cu su tipo di inteligencia, seguramente e lo ta exitoso. Inteligencia di e mucha Si. Segun e psicologo y investigador Howard Gardner, den cda persona tin ocho tipo di inteligencia of habilidadnan cognoscitivo. E teroia di inteligencianan multiple aki, ta reconoci den hopi ambito educativo. Di acuerdo cu e planteamento di e profesor Mericano aki, no ta existi un unico inteligencia unico humano. Tin un diver-

sidad di inteligencia, cu ta marca e potencialidad, fortaleza y debilidannan cu cada individuo tin y cu lo marca su actuacion den distinto escenario. E teoria di inteligencianan multiple aki, ta permiti balora, compronde y stimula e potencialidannan di cda mucha, mas leu di loke por midi un indice di conciente intelectual. Bo yiu tin tur e tipo di inteligencianan aki, solamente cu uno ta mas preponderante cu otro. E inteligencia di e mucha pa matematica, por yud'e tin bon resultado. Sin embargo, no lo ta igual si e inteligencia pa linguistica of pa deporte ta mas debil. Tur esaki ta pone den evidencia e berdada cu e notanan no ta representa e inteligencia di e mucha. E tiponan di inteligencia Inteligencia linguistico E muchanan cu e tipo di inteligencia aki ta siña skirbi, lesa, conta cuenta of haci crucigrama cu suma facilidad. Su len-

guahe orral ta asina bon como esun skirbi. E tin facilidad pa siña idioma. Inteligencia logico-matematica Muchanan cu ta resolve cu facilidad problemanan aritmetico, problemanan di logica-matematica, weganan di strategia y experimento. Na esunnan cu e tipo di inteligencia aki ta resulta nan hopi facil resolve pruebanan di conciente intelectual. Inteligencia visual y espacial Muchanan cu gusta dedica nan tempo liber pa pinta, gusta resolve puzel of ta prefera weganan di construccion, tin e tipo di inteligencia aki. Nan ta pensa den imagen y dibuho. Inteligencia musical Ta muchanan cu ta disfruta, siña y aprecia e cancionnan y musica. Nan ta identifica cu facilidad sonidonan. Nan tin e facilidad pa siña toca un instrumento musical. Inteligencia corporal cinestesico

AUTO A DAL PALO DI LUS NA CUMANA Y A SIGUI CORE, UN OTRO AUTO A BAY DAL RIBA E PALO DI LUS RIBA CAMINDA



Dialuna madruga a drenta informe di un accidente riba e caminda di Cumana, mesora a dirigi un patruya na e sitio. Na yegada di e patruya a bin compronde cu un otro auto a dal e palo di lus y a sigui core, e bumper cu nummerplaat a keda atras un otro auto a bin accidenta riba e palo di lus cu a keda memey di caminda.

SUDOKU

		5		4				
			8					6
			1				3	7
			6			7		
		7			1			4
		8		3			9	
	3			8			4	
	8	2	9					
	7	4				9	5	

				6				
2		6		7			8	
9						2		5
				4				
3	6	5				4		
7		8	3			5		
					7			2
	9			8				
			6	5			3	4

	8							
	9		8	3		6	7	4
6								8
9	1	2		4			8	
		8					4	1
				9				7
5		3			7			
			4				2	9



Obituario

Publica serka nos anuncio di fayecimento di bo ser keri.
Nos tin 2 pakete pa ofrece;

Pakete 1: Anuncio di fayecimento te dia cu e defunto ser dera
Gradicimento y invitashon pa misa pa 3 dia AFI 250,00

Pakete 2: Anuncio di fayecimento te dia cu e defunto ser dera
Gradicimento y invitashon pa misa pa 3 dia

Na Canal 22 1x prome cu Noticiero 22 Afl 400,00

Pa mas informashon por tuma contacto cu oficina na
585-9500 of na 741-4554

E BON NOTICIA

HENDE NO TA NACE DI E MESUN SEXO OF DI TRANSGENERO, PERO

Cada hende na mundo ta nace di un pareha, di homber cu muher. Un famia ta wordo lanta pa medio di tata y mama. Y bo mes, di unda bo ta kere cu ba bini? Den Bijbel Genesis 2: 4-24, na principio di creacion, Dios Tata a traha homber y muher, nan nomber ta Adam y Eva. Dios Tata a traha homber y muher, pa procreacion humano. Tambe nos por lesa den Bijbel Marco 10: 6 – 9, na unda Cristo Hesus ta bisa: “Na principio di creacion Dios a traha homber y muher, p’esey e homber lo laga su tata y su mama pa e uni cu su muher y nan dos lo bira un solo curpa.” Akinan Dios ta uni e homber y e muher den enlaso Matrimonial, pa nan

haci nan relacion sexual pa nan lanta famia. Den e union aki, di homber y muher, e yiunan ta sigi e ehempelnan di nan tata y di nan mama. Dia cu e yiunan bira grandi, nan tambe ta casa pa lanta famia, mescos cu nan tata y nan mama. Awor, ta di unda ta bini cu homber cu homber y muher cu muher y transgenero, kier e union di casamento? Den Bijbel Genesis 19: 1 – 23, pakiko Dios Tata a destrui y a caba cu tur e habitantenan den e ciudadnan grandi di Sodoma y Gomorra cu candela y azufre? Pasobra e ciudadnan di Sodoma y Gomorra tabata habita pa homosexualnan, lesbiananan y di tur clase di relacionnan sexual inmoral y

deshonesto. Den Bijbel Romanonan 1: 24 – 32, na unda Dios Tata a destrui y a caba cu tur e habitantenan di Sodoma y Gomorra, pa motibo di nan mal pasionnan cu e diabel a hinka den nan mente, den deseonan impuro. Di manera cu nan a deshonra nan mes curpa, nan a cambia e berdad di Dios pa mentira y nan a honra y adora idolonan, na lugar di Dios Creador. Nan muhernan a cambia tradicion natural pa esun contra naturalesa. Mescos tambe, hombernan a kita tradicion natural cu muhernan y a inflama nan mes den pasion cu hombernan. Hombernan ta comete deshonestidad cu

hombernan. Asina nan ta haya den nan mes, e castigo mereci pa nan errornan. Nan ta yen di tur sorto di inhusticia. Nan ta haya, cu no ta bale la pena pa reconoce Dios. Maske cu nan ta reconoce e sentencianan di Dios, nan ta obra den maldad y p’esey nan ta merece morto. Nan mes ta haciele concientemente y nan ta aplaudi na esnan cu ta hacie tambe. Nan ta stroba Dios Su procreacion humano door di nan inmoralidad sexual y deshonesto, den oral y anal sex. Den Bijbel Genesis 19: 1 – 23, na unda tur e hombernan (homosexualnan) di Sodoma a rondona e cas di Lot y nan a bisa Lot : “Na unda e dos hombernan ta, cu a yega bo cas anochi? Sacanan afo, pa nos tene relacion sexual cu nan.” Lot a bisanan : “Mi ta roga boso mi rumannan, no comete tal maldad aki.” Aki nos por comprende, cu e dos hombernan cu a bin na cas di Lot, nan tabata Angelnan di Dios, cu a bin pa trece husticia y castigo y Dios a castiga e habitantenan

inesperadamente. Akinan nos por mira, con grandi e ofensanan y e pikanan di inmoralidad y deshonesto tabata ta, cu Dios Tata a kita bida di tur e habitantenan. Bijbel Levitico 20: 13 : “E homber cu drumi cu un homber manera cu ta drumi cu un muher, nan dos ta comete actonan repugnante, nan dos lo muri y nan sanger lo cay riba nan.” Bijbel Levitico 18: 22 : “Lo bo no tin relacion sexual cu un homber manera cu sa haci cu un muher, esey ta algo abominabel.” P’esey, no bini cu e leynan cu ta bini for di abismonan di fierno, pa desvia hendenan den perdicion di condenacion mescos cu Sodoma y Gomorra. Haci mescos cu e president di Merca Donald Trump a haci. E’l a bin cu un Ley nobo den e Constitucion di Merca, cu lo bai tin solamente dos gender di hende, esta homber y muher.

Scirbi pa Seferino Tromp
Un mensahero di Dios.

BABY DI UN AÑA SU SO RIBA CAMINDA A BAY CRUSA Y AUTO A DAL E!



na Arendstraat, mesora a dirigi tanto polis como ambulans na e sitio. Na yegada di e ambulans nan a atende e baby cu tabata tin algun rasca riba su curpa y dolor na brasa. Na yegada di e aptruya a bin compronde cu e mucha

a logra huy for di bista di un adulto y a bay crusa caminda. E dama chauffeur di un auto a brake diripiente pero toch a dal e mucha y esaki a cay abao. Ambulans a atende e baby na e sitio mes.

Dialuna atardi a drenta informe di cu un auto lo a dal un baby su so riba caya